

Tot djôzant d' calindjaedjes èt sayant d' rêver po z' après dimwin :

Kand on va dvant lès djûdjes, on s' pout atinde à tot. A tanawète ça toûne come on l' voléve. Insi, cès timps ci on a polu lire dins lès gazètes : “Li lwès dit ki kand ça z'a dimèrer trop lontimps durer, l' djûdje pout rinoncer à condaner mins vèci l' coûr a ritnu lès còps èt scèrnaches donés sins l'volu èt sins awè wêti à tot cki faléve awè sogne (...) d' n'awè pont pris atincion à l' ovraedje (...) di n'n' awè nin riwêti à tot. Cès rovîyemints ont bouté à cki ça toûne mau po (...). Lès condanés n' si sont nén prèyocupés di c'ki d' aléve ariver à (...). I n' ont nén èvoyî à timps lès bons racsegnemints èwousse k'i l' faléve èt n'nén dimander l' aspouye rèkîse (...). On n' s'a nén dirindji kand i l' faléve (...) on n'a nén dmander à c'k'on fouye mia. Dins lès comintères dèl riwêtants, i gn'avéve èto : “... on a volu racuzer l' caractère sins tchaleûr, lès meurs drèssîs èt l' manke di lumêre di l' organisacion.” “L' coûr a chûvu èt dire ki (...) sont chakin dins leû toûr d' iwêre èt n'nén voye pus lon”. “I fauréve awè dèl djins concinceyeus, conxhant leû mèstî èt nén grandiveus, capâbes di dimander à timps l' aspouye à dèl mias èkipés èt pus ècspirimintés... k' i n' si fyenut nén d' trop à leû “néz” mins d' pus à dèl akes” “C'èst d' l' ovradje di disfince mins i faut sawè ètou mète à iute.” “Tro di

(...) n' volenut nén cauzer avou leûs “pratikes”. Kand ça toûne mau, i toûnenut



volfiye leû dos èt dimèrer moya.” “Lès comunikaedjes s' fèyenu mia asteûre mins i dimère co dèl rote à fé. I faut sawè èspliker lès riskes...” “Kand i gn'a ène catastrofe i duvenut èdî lès familles èt awè l' corâdje di n'nén s' racamuchî.” “...on ôte, spècialisse dèl minme taye, avou l' prudince ki faut, mètu dins lès minmès cayèts n' aréve nén ovre insi.” “...i z'ont manké aus obligations di leû mèstî passki n'ont nén yeut l' prudince èt riwêti pus lon come i l' faléve” “I n'èst nén possible di wadjî k'sins leus fautes l' mwart n'aréve nén arivé... mins ça n'a shûrmint wêre arindji lès bidons”. *(comèlaedje “Margâtèlâ” – comprind kî l' vout... i gn'a dèl cias k' on n'a nén l' drwèt d' critiker dins l' ècsercice di leû bouye sins risker di s'fé condané po awè rabachî... A z-î sondji : èsse k' Otèlo n'savéve-t-i nén mwèji po ds' inocintes bièstrîyes k' il arindjève à s' môde? Èwou èstîz Yagâ ?)*

*

Ck'èst dit èst dit, li vla vosse n' **OROSKOPE TCHINWÈS** po 2003

Mins, i vos faut tinu conte k' i gn'a co ène sakwè a sawè, c'èst, s'i n'ont pont d' maujones”, is-ont dèl èlèmint ki boutenut au coû dèl dèl “bièsses”. Avou lès dates dèl paedje 19, trovèz vos don l' bon :

Bwès

1904,1905,1914,1915,1924,1925, 1934,1935, 1944,1945,1954,1955,1964,1965, 1974,1975, 1984,1985,1994,1995

Feû

1906,1907,1916,1917,1926,1927, 1936,1937, 1946,1947,1956,1957,1966,1967, 1976,1977, 1986,1987,1996,1997

Daegne

1908,1909,1918,1919,1928,1929, 1938,1939, 1948,1949,1958,1959,1968,1969, 1978,1979, 1988,1989,1998,1999

Fyèr

1901,1910,1911,1920,1921,1930, 1931,1940, 1941,1950,1951,1960,1961,1970, 1971,1980, 1981,1990,1991,2000,2001

Euwe

1902,1903,1912,1913,1922,1923, 1932,1933, 1942,1943,1952,1953,1962,1963, 1972,1973,1982,1983,1992, 1993,2002,2003

GADE C'èst s'n' anêye, ça duvréve don lî Bén d' aler mins c' n' èst nén po ça k' èle ni dwèt è fé k'a s' tièsse !



Èle a adlé lèye tot ck'i lî faut po Bén vièrner s' batia èt l' mwinrner èwousse k' èle li vout, kça n' l' èspèche nén di wêti à apontiyî lès bons cayèts. Èt kand lès afères rotenut comufaut lès cours shûvenut

sovént sins s' fé priyî dès masses. Dins s' vichnauve i va d' awè dès fiesses, mariâdjes èt vineuwes au monde. Branmint po don s' rafiyî.

GADE/Bwès : I va d' awè dès kandjmints èt i n' faut nén s' lèyî djoker pa lès èburtakes. Kand on ove Bén, lès mouyous sont bons.

GADE/Feû : Kand on èst à timps èt à èure on n' èst mây taurdu. Kand on a plin lès potches i n' lès faut nén vûdîs..

GADE/Daegne : Si vos fyoze cki faut dins lès riles, i gn'a dès tchances po k'vosse famille s'alourdjisse.

GADE/Fyêr : C' n' èst nén kand on a trop d' ovraedje ki s' faut ripwazer. Kand ça s' amoncèle i s' faut fé aspaler.

GADE/Euwe : I vos fauréve a tanawète wêti à travayî rén k'po vos avou vos propès ostis. Si vos vos têjoz on n'vos va nén vos xhoûter.

RAT I n' nén èstéve à l' fièsse cès timps-ci. L' rat a yeut à viker dès malaujis



momints è 2001 èt 2002 mins i gn'a dès tchances ki tot s' arindje au mia èt ki s' mète à rentrer dès caurs.

I lî faut mostrer tot ck' il a d'bon è li èt ça va d' aler Bén mia. Bén shûr c'n'est nén po çoula k'i lî faut taper sès uros pa l' fènièsse èt dispinser à maulvau. Maugré ça i va trover dès novias soçons. I dwèt fé atincion à s' santè èt dimérer plin d' alant, i poréve è nd' awè dandjî.

RAT/Bwès : I lî faut Bén tot adjincner. Minme si ça n' lî rpwate ki wêre, à l' fén i va d'ariver èwousse k' il vout.

RAT/Feû : Po d'ariver èwou vos l' voloz, i faut k'tot seuche Bén apontiyî è vosse maujone

èt dins l' famille. Faut arindjî cki faut kand i l' faut..

RAT/Daegne : Vos dimèrîz dsus place èt prinde racène. L' momint èst vnu d' mostrer l' bon k' è-st-è vos.

RAT/Fyêr : Dès kandjmints son-st-a l' uxh di vosse n' ovraedje. Vos-alèz griper èt p'téte viker ène sakwè d' noû.

RAT/Euwe : Vos alèz nèwî come i faut èt atraper lès bonès coches au bon momint.

BUFE Vosse signe sé s' difinde èt l' Gade va vos oblidjî à l' pacyince èt à bouter deûr.



I vos faut Bén studiyî èt tûzer aus voyes à prinde : c'èst todi mia d' prinde li boune. Ni dispinsèz nén d'pus k' vos rintrèyes paski lès intèrèts n'vont nén discrèche. Si vs'èstèz Bén aspalé pa vosse famille èt vos soçons, ça vos ira todi Bén.

BUFE/Bwès : N'riwètèz nén à dimander dès consèys. I gn'a sakants ki vont vos Bén èdî.

BUFE/Feû : Si vos avèz sogne di xhoûter ck'on vos dit, vos n' polèz mau di vos brouyî.

BUFE/Daegne : Rotéz, rotéz, vos n' iroz ptéte nén lon mins vos î arivèroz shûrmint.

BUFE/Fyêr : Si vos dimèrèz dsus place, vos n' alèz k' wêre avancî.

BUFE/Euwe : Si vos fyoze ck'i faut kand i faut èt k'vos tapèz nén lès uros pa l' fènièsse, i va Bén vos è dimèrer assèz.

TIGUE L' Gade n' va nén vos bouxhî au coû mins c'n'est po çoula



k'vos n'alèz nén griper pus wôt. A l' tache, fyoze Bén cki vs avèz à fé èt pinsèz à dmwin. S' i gn'a dès èburtakes vs' alèz lès sautèler mins i n'vos faut nén

vos nauji d' trop. A l' maujone, i n' vos faut nén è dimander d'pus k'on n' pout vos doner èt n'nén todi bèrdèler po dès réns. Ls' ôtes ont tanawète réjhon.

TIGUE/Bwès : Cès derins timps tot a Bén kandjî. Profitèz don di cki vs avoz èt è tirer dès bènèfices.

TIGUE/Feû : Si vs avèz dès rûjhès, xhoûtèz ck' on vos dit èt ça d' ira mia.

TIGUE/Daegne : Vs' èstèz là ewousse ki vos l' volîz. Fyèz don à vosse môde.

TIGUE/Fyêr : Arindjèz vos bidons èt tûzèz à dimwin. Tot boutant Bén, ça va d' aler.

TIGUE/Euwe : Si vos nawèz dsus place, wètèz à co d' awè pîd. Po d' aler pu lon, fyoze parèy mins aurdèz on ouy dsus l' rivaedje.

TCHÈT Vs èstèz dins l' bon ! Vs avèz totes lès tchances di vosse costé. Dins vosse



bouye, vs alèz griper pus wôt odobén trover cki vos convént l' mia. Si vs avèz l' brès lon, ostant è profiter. Dins vosse famille èt lès sintimints vs alèz ièsse Bén sibiré. Si vs èstèz tot seû ça poréve ni pus durer lontimps. Wètèz tot d' minme à n'nén trop dovièt vosse boûse, lès caurs è rèxhenut foû trop aujîmint.

TCHÈT/Bwès : I vos faut wètîz à d' awè dès vîssèyes Bén clére po z-î Bén ariver.

TCHÈT/Feû : Si vos plans sont bons èt k'vos tinèz conte di ck' on vos dit, vos porîz ièsse contint d' vos.

TCHÈT/Daegne : Dès cayèts vont kandjîs èt si vs avèz dès idèyes c'èst l' momint d' vos î mète po z' à tirer paurti.

TCHÈT/Fyêr : Vos volèz do kandjîmint ? Fyoze cki faut pou èt au coron d'l' an vos n' aroz ptéte nén à vos agnî lès dwèts.

TCHÈT/Euwe : Vos ploz vos aspouyî dsus ayîr po vos prodjèts di dimwin. Agripèz cki passe dilé vos èt z-è rissatchî ddins ck' i gn'a d' bon.

DRAGON



Tûzez bén à ck' on vos dimande èt wêtîz à deus côps avnt d'vos décider po ni nén awè à vos l'riprotchî pus taurd. Boutoz come i faut èt kand i faut po d' aler pus lon. Ni lèyoze nén dsus l' costé vosse famille èt vos soçons, i polenut todi vos aspaler. Po lès sintimints ça va bén d' aler èt, si v'n' èstoz nén co acoplé, ça poréve d' aler rade.

DRAGON/Bwès : N' riculèz nén d'avant dès novias apurdissaedjes. C'ki èst bén ovré rapwate todi.

DRAGON/Feû : Si vos dimèroz dsus place, arindjèz vos po mia adjancener vosse traou. Si vos n' è rèxhèz nén, vos aroz insi bén mia vos aujes.

DRAGON/Daegne : Ni vos lèyèz nén disvoyî èt dimérez à djoke. Aurdèz lès ouys au laudje èt n' lèyèz rén passer.

DRAGON/Fyêr : I gn'a todi dès papîs ki trinnet ki vos faut rimpli èt rentrer à tîmps èt eûre. N' rovièz nén d'lès fé rilîre pa ène sakî capâbe èt ça va d' aler.

DRAGON/Euwe : Fyoz cki faut kand i faut èt lèyèz tchèr cki n' vos rapwate rén. Ène sakwè vos rafîye ? c' èst l' momint de vos î mète.

SÈRPINT
di cki vos
conchèz
n'



Usèz
bén èt

trèvautchèz nén à mauvau. Vs alèz rèscotrèz dès djîns ki vos

vont aspaler èt moustrèz k'vos avèz dès bounès idèyes ki valenut lès pwinnes. Lès caurs vont rentrer mins nén d' pus ki n' vos è faut. Wêtèz don à n'nén trop dispinser. Vosse famille va ptète si stinde, vs èstèz bén ardant.

SÈRPINT/Bwès : On n'va ptète nén xhûre totes vos idèyes mins vs avèz dès tchances d' griper lès scayons.

SÈRPINT/Feû : On vos va dimander branmint. A vos d'vos arindjî po fé cki faut kand i faut èt n'nén vos piède dins lès arokes.

SÈRPINT/Daegne : Vs' alèz fé dè rèscotes èt mostrer cki vos valèz. N' rovièz nén d' continuwer à z-aprinde d'pus d' cayèts, ça vos pout todi sièrvu.

SÈRPINT/Fyêr : Fé dès novèlès conxhances dins l' famille come à l' ovraedje rapwate sovènt do bon. N' vos ritoûrnèz nén po atôtchî... mins i n' vos faut nén vos nauji à mauvau.

SÈRPINT/Euwe : On va xhoûter vos idèyes mins i n' vos faut nén trop fé priyî po lès rinêri a tanawète.

TCHIVAU

Dins vosse bouye, profitèz di cki vs avèz dèdja fait èt



bén tot adjancener po kça tègne djusk'a l' anêye do Sindje ki shûra (2004). Si vs avèz do tîmps d' libe, profitèz d'vosse famille èt d' arindjî vosse maujone. Ni vos discaurlèz nén d' trop. Vos vikèz è mwinnaedje ? I sèrève ptète tîmps di sondjî à vos marier. Vs èstèz co tot seû ? Vosse mitan d' pome va ptète bén rade crwèzer vosse trote.

TCHIVAU/Bwès : Avou totes vos conxhances vs alèz tirer vosse èwîye do djeu si vos vos

aspouyoze bén dsus cki vos savoz èt sins trop wêtî lon.

TCHIVAU/Feû : Si vos profitèz dès kandjoints po d' aler pus lon vos n' dimèroz nén dsus place èt vos ovroz po dimwin.

TCHIVAU/Daegne : Vs èstèz bén paujère èt sùti. Vos alèz don vos fé rimârker pus rade ki dès djîns ki foncenut sins riwêtî.

TCHIVAU/Fyêr : Vs èstèz ène miète dsus l' tièstu èt i vos faurève ptète sondjî à mète sakants kilîs d' euwe dins vosse vin po kça vos vaye mia.

TCHIVAU/Euwe : Vos vs ocupèz fwart di vosse famille mins i vos faurève à tanawète lès xhoûter avant d' décider po tèrtos.

SINDJE Vs èstèz ène miète arnauje èt i vos faut vos rapauji tot apontiyant bén vos ûzances. Vos n'



aroz nén à vos plinde di vosse bouye si vos fyoz tot cki faut èt trover lès bons aspalaedjes. Il èst bén possibe kvos n'alèz nén gangnî dès masses di caurs di pus èt i vos faut don bén wêtî à n'nén dispinser d' trop. È vosse maujone, n' fyoz nén tro à vosse môde, on vos poréve riwêtî d' crèsse. Lès amoûrs ? Vosse toû va bén fini pa vnu.

SINDJE/Bwès : Nén dès masses di novia à ratinde mins xhoûtèz ck'on vos dit. Ptète ki ça vos va sièrvu.

SINDJE/Feû : Si vos chwèzichèz bén vosse voye, vos n' d' alèz nén vos piède èt ariver à pont èt eûre.

SINDJE/Daegne : I vos va falu tèvozé agnî dsus vosse chike mins, ènn'don, si ça vos rapwate pus taurd...

SINDJE/Fyêr : I n'vos faut nén todi cauzer po ls ôtes èt pinser k'vs èstèz l' pus malén. Xhoûtez, ça vos pou sièrvu.

SINDJE/Euwe : Kand on arive à on toûnant, i faut sawè l' shûre èt n'nén roler tot drwèt. On vos va aspaler.

COK : Bon, ça n'a nén todi stî tot dreû mins tot po todi d' aler mia. Riwêtèz pa padvant. A l' ovrådje on vos va doviè des pwates mins i faut wêti à prinde li boune. N' balzinèz nén d'trop, tûzèz èt tot va z' apontiyî. N' rovièz nén d' vos sognî. Rén d' mia k' ène boune santé po k' tot vaye bén.



COK/Bwès : Branmint d' cayèts vont s' rapauji èt vos alèz vos fé bén comprinde.

COK/Feû : I gn'a des kandjmints dsus l' voye, wêzèz à n'nén vos lèyi èdwarmu au mitan dèl trote.

COK/Daegne : Lès amichtaùvités sont todi bounes à prinde kand i gn'a des longs brès ddins èt k'on n'vos roviye nén dins vosse cwane.

COK/Fyêr : Waitèz à vos, vs lèz rèscontrer ène sakî ki va bén conter por vos èt n' pus vos lèyi mërseu(le).

COK/Euwe : Vosse maujone èt vosse famille sont tot por vos. C' n' èst nén po çoula ki vos faut dimèrer inte kat meurs.

TCHEN : C' n' èst nén passki vos n' vos intindèz nén avou l' Gade ki tot va d' aler à maulvau. Dovièz vos èt on n'vos va nén lèyi



à l' uxh. Kand i gn'a des papîs à signî i faut lès bén lire. Après c' èst trop taurd. I n' faut nén s' racrapoter au culot do feû po n'nén dimèrer tot seû.

TCHEN/Bwès : I vos faut sawè vos distrinde èt sayî d'voye au lon.

TCHEN/Feû : Tinoz vos bén auzès coches, ça èspêche di tchêr. C' èst pus auji d' roter d' astampé.

TCHEN/Daegne : Si vos n' avancèz nén audjoûrdu, vos l' froz dimwin. Tûzèz deus côps d'pus èt ça va bén d' aler.

TCHEN/Fyêr : Lès bons amis n' sont nén todi lès cias k' on pinse èt i n' si fut nén discoradjî à l' prumêre èburtake. Dimwin i va co fé djoû.

TCHEN/Euwe : Vos ploz ratinde do novia mins sins dispinser d'pus k'vos n' avoz.

SINGLE : Parèt k'vos èstoz l' pus tchanceus d' tertos ! C' n'èst nén po çoula k'ça va bén rapwarter c't' anêye ci. Suchoz prèsse à rimonter



vos mantches èt ratchî dins vos mwins. L' bouye va dimander d' l' ovraedje. Si vos boutèz d' pus, vos alèz mwins d'aler vos amûzer mins ça vos va profiter. Lès amoûrs s' vont bén nuker èt durer l' timps ki faut.

SINGLE/Bwès : Avou do keûr à l' ovraedje tot s' fait mia èt pus rade.

SINGLE/Feû : Tot n'va nén ossi rade k'on l'vouréve mins c'n' èst nén po ça k'on n'fini nén pa d' ariver au coron.

SINGLE/Daegne : C'n' èst nén des bistokes ki vos faut ratinde. L' tot èst d' ièsse riconxhu.

SINGLE/Fyêr : C'n' èst nén paski lès siminces costèyenut mwinsse ki l' awoûsse n'èst nén bia.

SINGLE/Euwe : Vs èstèz bén à deus èt vos è profitèz bén. Wêzèz tot d' minme a tinu l' pot drwèt.

(N' purdèz nén tot ça po do bon bûre. Aurdèz l' tièsse frède.)

*

On polikî d' Olande s' demèffye dès euwes ki vont nos tchêre do cîr dins lès annêyes à vnu. Por li, i s' poréve bén ki l' Limburg, è s' payî, va ièsse dzos lès euwes viè 2050. Por l' mète à iute i fauréve fé dès astantches dins NOS fonzéés d' Moûze, a z-alaurdji, èt èlever dès wôtès dîgues. Parèt kça costèréve mwinsse tchêr amon nos ôtes : l' pris do tèrin î èst pus bas. Ptète ètou k' on nawîye pus voltîye ?

*

Foû d' bouye au tchmin d' fyêr come aus pwarteus d' pakèts d' Abé-ICS, Stiène Schoupe rèxhe avou 2 000 000 d' uros d' dringuèle. Kand on a fait s' traou, ène chiplêye d'pus o d' mwinsse...

*

Po l' Sabèna, c' èst pus rade dès tchèretèyes (d'pus deus miyards d' uros !) ki lès curateus volenut rifé ratchî pa lès bankîs swisses. I n'nos faut nén critiker nos blankîs polikîs. Rabulèts n'a pont d' plaideus dins sès cabinèts.

*

A Bâ vètchèn dès parints volîne fé doner dès coûrs di flamind à leus èfants d' prumêre. On consèyî a critiqué ça tot dijant ki l' inglès odobén l' èspagnol sèrîne branmint mia rapwart à leu intèrnacional rèyonemint. Domâdje ki Clode Snâps n' è n'a nén profité po cauzer do walon èt dimander ki, li, fuche...

*

Mon Rostand, è 1887 à l' aedje di 19 ans avéve èvoyî on sicrîjaedje à one litèrère bate. On vént d' ritrover s' tèce, d' ène trintinne di paedjes èt sicrît à l' mwin, dins on ridant dèl Francèse Acadèmiye. I gn' a 40 ans on sicrètère lî avéve sititchî, sèrer à clé èt d' aler moru è s' maujone... Ptète ki po lès cink Rabulèts imprumés k' on nos avéve dimandés èt promètu d' rèvoyî c' èst piron parèy...